

11 JAN 2002

DR MAHATHIR HADIRI RUMAH TERBUKA PUTERI UMNO (Bergambar)

KUALA LUMPUR, 11 Jan (Bernama) -- Perdana Menteri Datuk Seri Dr Mahathir Mohamad dan isteri Datin Seri Dr Siti Hasmah Mohamed Ali adalah antara kira-kira 2,000 tetamu yang menghadiri rumah terbuka Aidilfitri yang pertama kali diadakan oleh Pergerakan Puteri Umno di sini hari ini.

Turut hadir ialah Timbalan Perdana Menteri Datuk Seri Abdullah Ahmad Badawi, Menteri Pertahanan Datuk Seri Najib Tun Razak dan Menteri Penerangan Tan Sri Khalil Yaakob.

Pada majlis itu, Dr Mahathir yang juga Presiden Umno, juga menyampaikan sumbangan hari raya kepada wakil beberapa pertubuhan amal di Lembah Klang.

Dr Mahathir turut dihadiahkan pulut kuning yang disediakan khas oleh Puteri Umno bagi meraikan ulangtahun kelahirannya yang ke-76 pada 20 Dis lepas.

-- BERNAMA
NM AZZ NAK